

■ COLUMNA

Sche la realitad surpiglia la satira

DA CLAU DERMONT

A Basilea cuzza il tschai-ver be trais dis: «die drey scheenste dääg», sco els numnan quai en lur «dialägt». Per mai èn ils uschè numnads «bängg» il punct culminant dal tschai-ver, era sche jau na sun uschiglio betg in aderent dal temp da tschaiver. Sco uschè savens è la satira dals chantauturs e poets da Basilea era sa fatschentada cun las filistuccas da la politica, saja quai cun la renga locala u persunas pli internaziunalas.

N atiralmain è il signur Trump stà in giast regular. Il resun è cler: in che fa be gronda canera e bahautscha, in ch'è ignorant da la realitad sin quest mund, in milliunari che sa cumporta sco in elefant. Ma tge ch'è per nus be in motiv da tschaiver è per auters sin quest mund ina realitad.

N us pudain rir u scurlar il chau, dependa da tge che nus udin mintga damaun en il radio. Ma quels ch'èn directamain confruntads cun las midas politicas en ils Stadis Unids èn probablmain d'in auter maini. La nova proposta dals republicans per dismetter il sistem da cassas da malsaus pudess far che diesch milliuns



Americans èn puspè senza segirada – quai èn dapli che l'entira populaziun da la Svizra. U las famiglias separadas tras la proposta d'in mir ed igl uschè numnà «muslim ban», duas ideas cun bler provocaziun, ma pitschen effect. Ma en spezial las medias renconuschidas che vegnan disqualifitgadas dal president e ses collavuratur sco «fake news» e sclausas da conferenzas da medias pon esser agitadas – persunter komunitgescha il president direct sur twitter cun impuls magari sumegliants ad in uffant pubertar.

I l 45avel president dals Stadis Unids maina l'administraziun e politica sco ina da sias shows da reality en la televisiun: tut è sutmess a la dramaturgia da las massas ed a la popularitad. Sinceradad, qualitad e mintgatant in zic prudientscha èn tratgs che mancan al president republican. E lez è in punct impurtant:

Donald J. Trump è sco tut ils presidents dependent da sia partida per realisar ses projects, uschia ch'ils republicans èn la finala quels che ston surpigliar la responsabladad per lur figura en la Chasa alva.

S 4 dis cuzza quest tschai-ver gia. Vul dir che nus avain forse anc passa 1400 ulteriurs dis fin ch'in novelegi president pudess surpigliar l'onn 2021. Quest temp restant è era per il rest dal mund in test: avain nus ina democrazia che po sa dustar encunter questas tendenzas da la mediatisaziun politica cun mesas vardads, exageraziuns e simplamain manzegas? Tgi che s'empipa da fatgs fa la finala nagut auter che da dir manzegas.

L a tendenza da provocaziun, da dar la culpa als auters ed als flavelts, da negar la realitad è gia arrivada tar nus en Svizra. Gist en il temp d'infirmaziun sperta, nua che medias èn sco tut ils auters products termagl da l'economia e sutmess al profit, è in duair democratic da verifitgar tge che nus avain per infurmaziuns. Be uschia pudain nus garantir che nossas decisziuns n'èn betg influenzadas u fundadas en «fake news». Lez e la satira surlaschain nus als poets da Basilea per lur tschaiver.